



Dôs

gotis cun restis di neri a riposin sul paviment di piastrelis. Lis cjadreis di stran a crustavin cuant che cualchidun dai oms al comedave la sentade. Il cîl al jere clâr e cence lune. Pieri al cjalave parsore sossedant.

- A mi par che chê stele propit parsore di nô e je plui vicin cumò che îr di sere.
- Nancje jo le vevi viodude cussì.
- E sarà gnove, une stele che e cole?
- O al sarà un satellit.
- Chei si cognossin, a si movin simpri compagn. Cheste e somee lâ e tornâ.
- La nâf di une invasion? - al dîs Gjiani cun voi vierts e scocolâts.
- Une invasion di aliens propit tal Friûl? A ti ti someie?
- Nome che e continuerès une tradizion da secui...
- E se al fos cussì - Pieri si volte cjalant Gjiani fis tai voi - lôr a dopraran la mascarute?
- No si pues savê, cuissà indulà che a àn il nâs e la bocje!
- Tu âs reson, al podarès jessi che il nâs al è dulà che nô o vin il cûl e al incontrari.

- Cumò mi visi de teorie antropomorfiche Pieri. Sarès a dî che la vite inteligjente si pense che si disvilupi avonde compagn: al covente vê mans, cerviel, voi e vie indenant. Ven a stâi che a saressin pocjis diferencis di nô umans.

- E ce che al central? Dut cês a àn nâs e cûl come noaltris, nome di une altre bande. A son sfumaduris ancje te teorie antropomorfiche, o pensi.

- Nol e restât nuie di neri.. pecjât!

- E se al è che al finis il mont? Chê stele saressial dal agnul dal fûc e la tampieste.

- E al è parcè che somee di zi e vignî: a son flamis che si movin - al dîs Gjiani. E cuant che l'agnul al jentre te atmosfere si brusarà dut.

No stâ a dî monadis, lis nâfs che a colin te atmosfere a son chês che si brusin. L'agnul al à alis e al pues vignî jù biel planc cence brusâsi.

- Al convegno che e sedi la astronâf, miôr il mont conquistât che finît. Podarès jessi ancje la pussibilitât che nus puartin a cognossi il lôr planet.

Lis cjadreis an tornin a crustâ.

- A laressin a restâ uchì cence fâ nuie?

- E ce vuelistu fâ?

- Mi somee che il lusôr al è plui fuart a ogni moment.

- Bon, viodarìn. Jo o voi a polsâ. Se indoman al è mont continuin a pensâ cun altri neri.

**di Zorz Cesaratto**

**#1064**